



نظيره نامق كمال بك

شويله حيرانم كه بيلم حيرتم حالا نه در
 بن كيم ادراك نه دنيا و مافيا نه در
 جان و دل بخش ايلدم جانانه اما صددريغ
 بيلمدم جانانه كيم جان كيم دل شيدا نه در
 غمزه مستغنى ، جنون مهلك ، كوكل مشتاق مرك
 بر آوچ خاكه بورتبه درد جانفرسا نه در
 علم اسما در مجرد صائمه شانى آدمك
 آدم اولدر بيلميه آدم نه در اسما نه در
 (نامق) ايله همت عالي ايله اغيارى يار
 بردنى دنيا ايچون دنيا ايله غوغا نه در



نظيره محى الدين [۱]

يخودم بيلم گرفتار اولديغم سودا نه در
 بن كيم كيمدر پرستيدم دل شيدانه در
 آنده غرق اولمش ياتير دنيا و مافيا بتون
 اى فضاي سينه سنده موج اوران دريانه در
 بن نياز ايتدكجه بويله نابجا ناز ايتمه دن
 مقصدك اى نير تابان استعنا نه در
 ميل ايدر مى هاى وهوى عالم فانيه رند
 رند اودر كيم بيلميه آلايش دنيا نه در
 اعتبارم دولت امروزه در (محيى) بنم
 كون بوكوندر دم بودم بن اكلام فردا نه در

[۱] دارالشفقه ادبيات معلمى شاعر، بليغ محى الدين بك افنديشكدر .